

Nilai eksport 6 negeri naik bulan lalu

Prestasi eksport di kebanyakan negeri pada Februari mencatat penurunan didahului Pulau Pinang (-RM2.2 bilion), Kuala Lumpur (-RM1.2 bilion), Johor (-RM658.5 juta), Sabah (-RM368.4 juta), Labuan (-RM343.7 juta), Kelantan (-RM182.9 juta), Melaka (-RM156.4 juta), Negeri Sembilan (-RM139.8 juta) dan Perlis (-RM15.9 juta).

Bagaimanapun, nilai eksport meningkat di Sarawak sebanyak RM2.1 bilion, Selangor (RM460.3 juta), Perak (RM446.2 juta), Pahang (RM390.8 juta), Terengganu (RM361.4 juta) dan Kedah (RM234.6 juta).

“Pulau Pinang kekal sebagai pengeksport utama dengan sum-

bangkan 28 peratus, diikuti oleh Johor (21.1 peratus), Selangor (18.2 peratus), Sarawak (10.6 peratus) dan Kuala Lumpur (4.3 peratus),” kata Jabatan Statistik Malaysia (DOSM) dalam satu kenyataan.

Malaysia mencatatkan jumlah perdagangan RM211.8 bilion pada Februari dengan eksport dan import masing-masing bernilai RM111.3 bilion dan RM100.5 bilion.

Ketua Perangkawan Malaysia, Datuk Seri Dr Mohd Uzir Mahidin, berkata prestasi eksport



Mohd Uzir Mahidin

Malaysia pada Februari 2024 bernilai RM111.3 bilion, menurun RM939.5 juta (-0.8 peratus) berbanding bulan sama tahun sebelumnya.

Katanya, beralih kepada prestasi import mengikut negeri, import pada bulan Februari 2024 meningkat RM7.8 bilion (+8.4 peratus) berbanding bulan yang

sama pada 2023.

“Peningkatan import disebabkan oleh import yang lebih tinggi di kebanyakan negeri iaitu Kuala Lumpur (+1RM2.3 bilion), Selang-

or (RM1.2 bilion), Pulau Pinang (RM1.1 bilion), Negeri Sembilan (RM1.0 bilion), Kedah (RM1.0 bilion), Sarawak (RM599.6 juta), Johor (RM426.9 juta), Labuan (RM285.4 juta), Sabah (RM281.6 juta) dan Perak (RM155.7 juta).

“Bagaimanapun, nilai import jatuh di Melaka sebanyak RM621.5 juta, Pahang (-RM171.8 juta), Kelantan (-RM34.8 juta), Perlis (-RM27.2 juta) dan Terengganu (-RM23.6 juta).

“Selangor terus mendominasi import Malaysia dengan sumbangan 25.3 peratus, diikuti oleh Johor (24.4 peratus), Pulau Pinang (20.9 peratus), Kuala Lumpur (8.1 peratus) dan Kedah (5.6 peratus),” katanya.